


**EXEMPLAR
LITERARUM HAGA
[!] SCRIPTARUM A
MAGNATE
QUODAM...**



THE NEW YORK
LIBRARY
ASTOR LENOX TILDEN FOUNDATION
1215 6TH AVENUE
NEW YORK 17, N.Y.



THE NEW YORK

Interpres Lectori.



Amus hic tibi, Lector optime, Gallicum quoddam scriptum sermone non Gallico. Magni alicuius viri est, & è magno sanguine; viro itidem missum planè magno, sed Calvinistæ, & in istâ parte facilè principi. Scripsit vixdum Catholicus pro Catholicis; vt ne Theologum hic exspectes, & è pulpito argutantem. Ingenio tamen ac iudicio, quod scholæ mirentur: stylo deinde, quo Cicero loqueretur, si esset Gallus: modo denique, nouo quidem, sed optimo; quo duci ingenuè possint ad conspectum veri quicumque non indignæ origine suâ mentis homines, Nobiles, Heroës, Principes. Atque vtinam illam vnâ traducere licuisset elegantiam & energiam, quæ in Gallico est.

Interim gratulare mecum veritati, quisquis es; cui hoc lucri faciunt tot hodie ipsius hostes, vt iam nobiles quoque & martiales viri, neque adhucdum egressi penitus castra falsitatis, pugnatum pro illâ veniât nouis armis, non suis armis; non pugno tantum, sed etiam pennâ. Attendite huc quicumque vos illustres natu, & intendite; si è plebe aut populo venientium voces dedignamini; si suspecta vobis eruditorum ratiocinia tamquam sophistica; ecceum Martis filium, heroum stirpem, vestro vobis ore loquentem, vestro more; nullâ boni commodiue exspectatione nisi vestri. Quâ ad illum ianuâ lumen venit, & vobis veniet, si admittetis, si similes eritis, hoc est, verè nobiles, & seridè potiùs quàm serò sapidi. Quem enim verè generosum animum non pudeat pigeat ancillari sectæ tam ignobili, tam nouæ, tam infami? Nisi ignobilis esset, non adeò coniuratum iret in excidium vbique Regum, Principum, iundè regnorum, principatuum, etiam suorum. Dicat Britannia. In Batauiâ sane Nobiles iam obscuri sunt, & post Cæseos latitant. Verùm, quid ab eo? Illud monitum volebam te, Lector, vel maxime, nè intempestiua tibi ac præproperea videatur sagacissimi viri huius de Calvinismo conclamatio, quod iam nunc quasi reuirescere videas eorum in Germania alibiue res (nam Hungariæ Dominari Mancipium Turcicum Calvinistis facit ad rem) crede mihi; non est, quod vides; non reuirescunt. Poloniam aspice, Galliam, Belgium. Pergit Deus esse catholicus: pergit esse pro terræ regibus, quos ipse posuit, Cæli Rex. Sed quò euidentius fiat, cui causæ faueant Superi, quam propugnent, semiputatam Hydram sinunt, imò volunt recapitescere, in easque vires se recolligere, quas nemo superet, nisi cui fulmen telum est. Et illa verò Stelli-montana victoria numquid opus erat Excellæ Manus? Perficiet, qui cœpit; nihil hæsitâ. Maximarum rerum partus sunt difficillimi. Animalium vattissimum & homini proximum Elephas decennio nascitur. Putas Imperatorem istum -

gere Deus possit tam diligentem *tu*, tam timentem? tot item alios in Catholicâ Reges, Principes, certatim nunc & è condicito pios, iustos, optimos? Nam quod vsquam vmquam sæculum adeo ferax optimorum Principum? Itaque, quodd paululum nunc ipsa sibi blanditur Hæretis, feramus; mox viderit, quàm sit vanum. Sic quoque pullis euenit, cum iugulantur: accepto lethali vulnere, tamen erigunt se, & cum impetu moliuntur gradum, sed illicò (nulla deinceps vitæ spe) relapsuræ. Vt cum sonitu pereant eorumque memoria, qui cum sonitu nati sunt.

Fac, Deus; & tu, ô Lector, vove, vine, vale.

Nota, scriptorem subinde Calvinistas suos dicere, subinde Catholicos, quippe medium adhuc, & abeuntem modò ab illis, hos adeuntem.

N. N. N. N. S. D.



Vm semper hæcenus liberè tibi, Illustrissime vir, fortiterque amicus fuerim, & obsequio seruus; vt potè secta conueniens, & cui supra modum curæ ac cordi fuerint & tua ipsius salus, & rerum, quas ab illâ pendere videbam, conseruatio; non me futurum putauî pro debito, si celare pergerem, quæ se mihi aperuerunt hæc, quoad nostrarum in commune rerum statum & habitudinem.

* * * * *

Quapropter, cum sit euident, & iam in oculos palàm incurrat, postquam à centum serè annis hæcenus adeò steterint nostræ res & in flore fuerint, effloruisse mox; ac tandem factum esse Deum Romano-catholicum, omni-que vbiq; nostrâ manifestè *in peius ruere, ac retro sublapja referri*; statui mecû, priusquâ ruina maior ingruat, & credi possit, metu me, nò voluntate trãsiisse, sine morâ dedere me (quod & feci) instituendû fide Romanâ seu Catholicâ: te quoq; ad hoc ipsum inuitare, quâ possem, amicissimè; cû effugiũ aliud nullũ pateat, quo te salues. Neq; enim fieri potest, quin iritatis adeò tot Principibus, tota deinceps in te vnũ moles ingruat, allatratis vndiq; nostris & impugnatis, vix quæ aliquid in suam ipsorum opem potentibus, tantũ abest, vt in tuam. Conspirat enim quasi ex composito tota in nos Gallia & in excidium trahit, fortunâ secundante conatus. Ipsa nunc quoq; Hispania se reformat in melius, serioque sapere cœpit, instituta cõsiliorum ac one ac modo certiore, quàm vmquam hæcenus, cum agendarum rerum tenens ordinem, viam quæ capiens, quâ plus efficiat tribus modò deinceps annis, quàm potuerit totis hæcenus quinquaginta, imminuta Protestantium

stantium res potentia, milite, ex estimatione, etiam apud suos ipsorum subditos. Imperator, & Austriaca simul cum illo tota reuixit familia, auctior viribus & auctoritate, quàm vnquam hactenus, succollantibus in vnum Bauaro, Saxone, Principibus Ecclesiasticis, qui non nisi in illorum verba iurant nunc, & seipsos præbent in forcipes, quibus suas illi castaneas (vt est verbum) è prunis eruant. Concussa Hungaria: Excussus Bethlemius. Veneti facti pro tempore ad Imperatoris & Hispani pedes, canis accubans. Sabaudus ibi animum habet, vbi filius manum: maximus eius natu ad pacem natus est: ipse pater in Galliam intendit oculos, callidus vti dissidio illius & turbis in rem suam, & subigere Gebennenses: quidquid interim aliud ab hoc præ se ferat motus armorum eius. Inferiorum Saxonum fracta audacia, laxati oculi, ad reponendum Palatinum parum mentis, animi minus. Anglus Hispanizat egregie & fauere pergit, Bataui ab illo derelicti; in triuarias secum ipsi factiones dissecti, pleni hostium domi, foris. Gallia nostra eorum minimè latagens. Quæ deinde spes, quod solatium rebus nostris priuatis, publicis? Coeunt animis, qui rerum poriuntur, &, quidquid eueniat, atroso pede vel alis, Palatinus ope soceri inueniet pacem. De te deinde quid rerum fiet? Non es nescius, quæ fortuna S. Pauli comitem secuta sit. In te illum transmigrasse creditur hisce artibus, & in te quoque eadem vltio omnium consensu, illius exemplo destinata est; te vnum communis opinio sollem loquitur, vnde spirentur auræ suscitatrices ignium, qui ardere coeperunt, interim pupillo rege, in Galliâ, in Bohemiâ, in Christianismo: Timor & tremor venerunt super socios vestri fœderis. Princeps Auracus mox consenuerit, præter annos canitiem properantibus curis & suspicio num stimulis, quibus se lancinandum sine fine, miser tradidit; cinctus vti quæ & vndecumque vallatus acerbis: mis inimicis, excubantibus in omne momentum ad vltionem Barneueltij: tum (quæ sollicitudinum ei bona pars) anxius, ne quâ gloriam suam bellicam & nomen inuadat auferatque felix hactenus & semper victor Spinola; nunc quidem milite coronatus, & armatus copijs, quales aut quantas vnquam antea nec Albanus neque Parmensis, cæteri quæ in vnum Belgici Gubernaculi tractatores eduxerunt. Ipse populus harum prouinciarum, ex quo per inducias libera fuit mutua hinc inde commeatio, errorem posuit de Hispanis, sumtum fraude Ministrorum perpetuisque mendacijs, ad rauim vsque clamantium: *crucifige, crucifige*, quos iam quidem satis ipsi viderunt oculis suis viuere cum indigenis, ridere, pacem habere, comes erga ipsos & vrbano esse, primosque (quod dici solet) cum manu ad pileum: prouincias quoque regias (ita nunc ibi regimen est) dimidio, quàm ipsi quotidie premantur, minùs vestigalibus, exactionibus sollicitari: Archiduces ipsos Regemque pios, iustos, optimos, nemini inaccessos; promptos quoque, conscientiarum (vt ipsi vocant)

cant) Libertatem permittere; tantum abest, vt ingerere velint inquisitionem; quæ ipsa nunc quidem crudelius exercetur in Holandia contra Catholicos & Arminianos, quam aduersus Hæreses apud Hispanos.

Quid ergo factu opus est? Dicam verbo: equidem non aliud, Illustris: Domine, quam vt opportunè portum ineas, & cum fortioribus, quippe melioribus, stare incipias: vt exemplo vtaris Henrici quarti, Dñi Desiderij, iunioris Rosnij: vt in commodum tuū & honorem veritas ruinam nostrā eorumq; , quos habemus hætenus, factionis socios, tui quoque ipsius & status proprij; cui iam, nisi caueris, fossa fouea est, in quam incidat. Si pro tuā illā prudētiā, quā es maximā, circumspicere cœperis & expedire te, nihil video, quod impediat, aut obijcere difficultatem possit, in te potius deinceps, quam hætenus in me: hoc est, si virtutem feceris de necessitate: id, quod erit non sine laude & applausu iucundaq; congratulatione Principum; quorum nunc consilium, tua subuersio. Quin enim? quando sectæ nostræ certum axioma est, saluari quemque posse quauis fide? Quod si ita sit quid nos teneat, quo minis ilicò in eam transferamus nos, cuius & melior species, & maior gloria; quæ securior animæ, nobis ipsis, rebus quoque nostris & liberis? Suaderem ego aperire paulatim ostium Iesuitis ad concionandum subinde; quod iam fecisse te audio cuidam N.; prohibitis interim à conuitijs in Ministros aut sectam; sua modò pronuncient, articulos Romanæ fidei, eorumque demonstrationem. Deinde, gradu factò, sinere quoque, vt catechismum instituunt Iuuentuti Catholicæ; nullo interim in quemcumque vtriusvis religionis edicto vel interdicto de adeundo: ne quā scilicet primā se fronte prodat propositum tui animi. Tum porrò admittere cœperis & Cappucinos, binos subinde & binos, hoc est, paulatim, assignato aliquo in rem sacram sacello. Appareat amare te illorum simplicitatem & veram paupertatem: prædicabis homines sine re in hoc sæculo, sine spe; quorum nihil Mundus interest; tamquam verè illos *propter Christum stultos*? de quibus Paulus. Tales utique deprehendi eos, & magistros habui; qui docuerunt me & optimā methodo duxerunt ad veritatem, clarā, facili; nullā disputationum turbā vel strepitu. Dicam nunc breuiter, quæ circa me sunt, quid acciderit: neque dubito; iudicabis mecum, fidem eorum magis esse probabilem: si quidem patienter accipies, & veniam dabis a mori æternū in te meo, sincero, germano.

In primis ad Missam quod attinet, rem ipsam (vt libet) nomina; nihil refert; sacrificium est Iesu Christi, quod offertur Patri: quod demum agitur, vbi consecratio peragitur. Quæ præmittuntur, pro dispositione faciunt; vt potè preces quædam, pronunciationes quædam Scripturarum, verba Sanctorum; pariter & quæ sequuntur: in argumentum vtiq; reuerentiæ Mysterio debet tam sacrosancto; tum ad impetrandum, quæ nobis opus sunt,

sunt, à Christo Iesu ibi præsentē; & per ipsum ab æterno Patre, cui offertur. Vocabulum quidem (Missæ) inde natum est, quod absoluto iam actu sacrificij, admittebantur in templum Catechumeni; qui, utpotè nondum baptizati, eoque tamquam profani, olim arcebantur à sacris. Ex eo igitur, quod diceretur: missa (sive, dimissa) est turba (putà fidelium) quò deinceps intelligerent Catechumeni, iam sibi permissum esse in templum adiutum, in usum transijt vox in ore vulgi, ut iam missam dicerent sacrificium, cui turba adstiterat, quæ est missa. Porro, date nomen quodcumque; certè Catholici, cum exactè, idque, quod res est, loquuntur, esse reuera sacrificium & sentiunt & loquuntur. Illud autem ipsum numerandum quoque venire, & cum primis quidem, inter Ecclesiæ genuinæ veras notas & certos characteres, vel Propheta clamat, ubi clamat: *Tues Sacerdos in æternum, secundum ordinem Melchisedech*. Atqui sublatus in crucem Dominus, quæ fecit hostiâ, secundum ordinem fecit Aaron, hoc est, cruentâ; nec nisi semel: in pane verò ac vino, secundum ordinem Melchisedech, in æternum. Quippe qui, nisi panem & vinum, numquam obtulit. Si igitur, prænunciante Propheta, Iesus Christus (cui Domino patris sui dixit Dominus) sacerdos erit in æternum, euidens erit consecutio, & ipsum quoque æterni sacerdotij sacrificium esse æternum. Id quod in Ecclesia Romana videmus ab ipsâ usque eius infantia, nullâ hæctenus cessatione, celebrari. Neque argutis hæc ullis aut cauillis opus: Liquida Scripturæ sententia est; fore illic (in Christi Domo) sacrificium in æternum (usque ad consummationem in terris illius Domus) atque hoc ipsum in pane & vino. Etiam Malachias trahit in hanc fidem: *in omni* (inquiens) *loco sacrificatur & offertur nomini meo oblatio munda*. In omni loco: non igitur in sola cruce. Aduersus hoc verum, ita menuper docere solebat magisterium falsi: quomodò sacrificari iterum possit nunc, quod iam olim semel & satis credimus oblatum? Abrahamum obtulisse filium suum in sacrificium in confesso est, etiam si numquam immolauerit, hoc est, ceciderit. Nemo negat. Quo minùs igitur (ducto in contrarium argumento) qui semel moriendo immolatus est, poterit tamen offerri deinceps etiam non occisus? Denique, quorum iam aut ubi æternum illud in pane ac vino sacerdotium, prophetarum & factopræsignatum & vocibus; si non huc, si non in hoc? Aut casum fac & sine veritate vaticinium. Sanè vehementer ineptum est, ad eò moliri homines, ad eò moueri per omnes effugiorum angulos usque; de quibus, quò elabi possint, aliquo sophismate ab hac strictura; ubi Dei verbum tam simpliciter enunciatâ manifestè. Ad me quidè quod attinet; esto, omnis mihi in armis vita, non in libris iuerit, nodum hæc tamen non magis video, quàm in scirpo. Illud autem quàm est ridiculum ita loqui, qui sibi corculi videntur, dum aiunt, non possum capere; quomodò tot vnâ per omnem terram locis præsen-
tare

rate corpus suum possit Christus, & ita mutare. Dixit Dominus: *Hoc, quotiescumque feceritis, in mei memoriam facietis.* quotiescumque: nulla exceptio est. ergo, cum Angelus dixerit: *non erit impossibile apud Deum omne verbum;* quid excipitis? Incarnationem Ministri credunt, & bene faciunt; verum, an comprehendunt? virginem Deo carnem tribuere; matrem fieri, & esse virginem? Credis vnum; quid fugis alterum? viriusque par incomprehensibilitas. Vti igitur non eò tibi desinit vnum esse, quod verè est, quia non capias; neque alterum tibi desinat esse, quia non capis. Non poterat Aristoteles comprehendere septemplex illum dietim Euripi fluxum atque refluxum; in eumque tandem, impatientia ignorantia, se dabat præcipientem: & adhuc, ut antè, Euripus fluit. Atqui Ministrelli nostri nimirum sunt, de quibus æquum dicere: plusquam Aristoteles, hi! Stringere voluit Dei potentiam & includere limitibus intellectus sui nimis angustis. Audiant igitur, ut sibi dictum: *qui scrutator est maiestatis, opprimetur à gloria.* Quæ opera fidei vel quæ laus, si non credis, nisi quod videas? De Thoma quid legimus? Cui non credenti fixuras, quia non viderat, (nec idèò tamen fixuræ non erant fixuræ) credenti deinde, postquam tetigerat, & incredulitatem suam corripienti quid ait Dominus? *Beati qui non viderunt, & crediderunt.* Nisi viderint Ministri nostri & tetigerint, non credent. Id, quod me capitium fecit Catholicismo, illud fuit, quòd viderem, iam olim Christum ipsidem illis objectionibus respondisse, quas nunc Ministri protrudunt. *Quomodo potest hic nobis carnem suam dare ad manducandum, sanguinem ad bibendum?* Christus respondere nolens (id tamen, quod Ministri nostri semper, ut fiat, exigunt) ita simpliciter respondit: *amen, amen* (quali peremptoriè) *nisi manducaveritis carnem Filij hominis & biberitis eius sanguinem, non habebitis vitam in vobis.* Quid hoc dici possit clariùs? Quo ad glossas hic aut Ministros recursum opus est? A me ipso sumsi consilium, & mecum statui; non oportet curiosum esse, & scire velle, *quomodo*: Docti viderint, & pro nobis rationem reddant poscentibus. Nouimus scilicet, quomodo pulcro in speciem integroque pomo vermes insint, vnus, plures, aut videmus? bona verò consecutione non eos ibi videmus; ergo non ibi sunt. Aut crede Mysteria & mirabilia, quæ ab ore suo benedicto protulit Veritas Incarnata? aut crede, non Incarnatam; hoc quidem illo facilius. Vbi porrò panis ille Melchisedech, & vinum, si non hic in sacrificio (inquam) nouæ legis in cruento? vbi illud manducare carnem, bibere sanguinem (quid velis expressius?) si non hic, in Eucharistia Catholicorum? Ecce, militis sententiam quoad hunc articulum!

Ad cærimonias deinde quod attinet; mimici gestus Caluino sunt, & histrionum ineptiæ. Itaque Caluino etiam Christus inter eos vnus est. Nam & ille, non quidem tum sacrificium oblaturus, sed operaturus nudum miraculum

raculum, quorsum *Exerimonij* vsus est, vt surdum sanaret? Non enim satis
 habu t clamare: *eppheta* (*adeperire*). atqui satis erat clamare, vt imperiū vo-
 cis aurium sanitas sequeretur: nihilo tamen minū *apprehendens eum de curba*
seorsum, misit digitos suos in auriculas eius; & exspuens tetigit linguam eius, &
sufficiens in cælum, ingemuit, & ait illi: Eppheta; quod est: adaperire. Apud re-
 ges terræ magnis venerationum signis agendum est, multis præambulis.
 Iudæi quoque, & ipsa vetus Synagoga sic agebant erga Deum: inspicere, quæ
 apud Metenses etiamnum sunt istius sectæ homines ornamenta sacra, po-
 deres, tunica, lampades, atque istiusmodi cætera. Quo alias symbolo dis-
 cerni à minoribus possint magnates, nisi honorum titulis & submisionum
 gestu, quibus eorum excellentiam testantur homines & prosequuntur? Fa-
 ciunt et vtiq; illa debiti cultus exteriora symbola, vt magis vereamur, quem
 sic reueremur, & excitetur interiūs. Certè, nihil in hoc negotio, iure bono
 quod acculemus. Si quis irrepit abusus, vbi, quæso, non aliqua semper ri-
 ma superstitioni pateat & ultra metam excessui? Neque vacat idiotæ, neque
 possibile est, vt discat omnia: satis est, magistrum habeat in vicibus, qui
 respondeat pro illo; qui offerat, ritu, quo oportet. Hic ille stare didicit, huc
 inniti, satis habens de cætero adhibere cor rei, quæ geritur, & ipsum hoc
 externis honorum indicijs profiteri; esto, subinde vel nimio peccet studi-
 um venerationis. Ecclesia deinceps istiusmodi colentium intentionem ad-
 mouet fini suo, & promouet apud Deum. Eum puta in modum, quo aduo-
 cati solent, qui non omnia agunt aut proferunt coram iudice, quæ forrè ru-
 sticus aliquis cliens inculcauerit (fortassis enim causæ potius obsint) sed
 eum reuerentiâ multâ congruisque honorum ritibus & loquendi formulis
 adeuntes tribunal, etiam diuersa subinde, imò & aduersa loquuntur, quàm
 rogati sint; eo quidem rei successu, vt sententia veniat pro voluntate sup-
 plicantis; licet non ratione, quæ ipse voluit; imò, quæ pro se acturos illos
 planè non sibi persuasit.

Obstupui centies ad hanc nostam stoliditatem, quæ duobus potius vnâ
 in vrbe ministris fidem nostram prostituerimus, quos negotijs sæcularibus
 implicat mille curæ, vxor, liberi, peculium, res domestica; quàm myriadi
 religiosorum hominum, quos habent Parisij, viuientium sine coniuge, pro-
 le, alijsque istiusmodi sollicitudinum turbis; vno quopiam eorum in ea-
 dem quaque familia sat agente, quæ ad corpus pertinent, cæterorum opus
 omne omnisque opera destruendæ falsitati, astruendæ veritati, formandis
 moribus, (verbo dicam) animabus mortalium in cælum cogedis desudar.
 Obsecro, per Deum, vtrius partis maior securitas; horum, qui se reforma-
 tos dicunt; an illorum, qui se nihil noui dicunt? Certè, species omnis bona
 & probabilitas vnde cumque magis stant à Catholicis. Nobis enim si cælum
 patet è Psalterio rhythimizato quiddam subinde cantillantibus; quo
 B non

non illos potius hiaru valuarum excipiet, super hoc, plenos operibus bonis, onustos fructu quotidiani sacrificij, crebri ieiunij, prædicationum, catechizationum, orationum, psalmodiarum, instauratis toties in dies diuinarum laudum canticis; concurrente populo, quibus libet, & quibus per negotia licet? An non istic animi maior tranquillitas; certior ad ingruentiam mortis subsidiorum spes, & præmij post illam atque solatiij? Agè, confer singulatim cum illis & tracta fidei quemuis articulum: dabunt scripturas, allegabunt Patres; antiquitatem proferent.

Illud verò, quàm vel vnum valere poterat ad expugnandum me! Sum si Biblia in manus, vt apud Iudæos sunt, & adhibui eiusdem gentis, qui verbatim exponeret, ibi tum comperi, mutasse Catholicos nihil; nostros omnia, quibus quidem animaduertere poterant se conuinci. Planè, vt ad oculum euident mihi factum sit, laxare legem eorum in libertatem meram seu viuendi licentiam omnia; in horum verò demum veram semitam (ipso quoque testante Domino: *arcta est via, qua ad vitam ducis*) ieiunia, & cilicia, spontanea pœnitentiæ causâ supplicia, confessiones cum gemitu, paratam ad Ecclesiæ nutum obedientiam, psalmodias, conciones, catechizationes, aliaque sexcenta talia, adeò quidem, vt vestram habeam pro merâ quadam viuendi licentiâ & concupiscentiæ classico (vt nihil mirum sit, ita statim omnibus visam amabilem, & quam totis vlnis amplecterentur, vt potè sinentem, si non iubentem, quæcumque desiderat carnis concuius vna maximeque inter alias ipsius seuera regula: viue, vt lubet; fac, quod vis. Nihil facilius enim, quàm defluere secundum aquam, & sequi quemq; passionis suas & innatos carni affectus, satis alioqui trahentes luâmet sponte & impellentes: sed vt pugnes cum aquæ impetu, eumque superes, hoc opus, hic labor est; vt tigas te ipsum, & ad anchoram religes tua istiusmodi desideria, ad anchoram mandatorum Dei, Spontè quoque illius, & rationis ipsius naturalis. vt habeam (inquam) omnino vestram tamquam viuentibus & valentibus perquam iucundam; sed terribilem morientibus. Fatendum est verò, neque diffitemur, natus aliquos (qui essent verè, vel esse putarentur) hæsisse tolerantia, sed nō probanti Romanæ Ecclesiæ: sed illi plurimum aut deter si sunt; aut sanius interpretando, à calumniâ vindicati. Religiosorum Ordines ad originis suæ faciem reformati sunt: puniuntur delinquentes, si possunt; aut, si non possunt, tolerantur à piâ Matre cum gemitu, redditur rationem & pœnas Deo in mundo altero. An, quia nequam erat Iudas (& quæ illa quantaque, non iam næuus idiortæ alicuius & ab ignoranti simplicitate superstitio; sed enormitas in principe populi & immanis turpitudod!) reprobanda doctrina eius; Coapostoli deferendi? Pariter omnino, quòd improbi subinde sacerdotes aliqui sunt & vitæ deuia; quòd incau-

dior

tior sermo prolatus haud iuxta germanam religionis nostræ sententiam; non esse tanti debebit, vt ilico respuamus sanæ intentionis & orthodoxæ fidei Romanam Ecclesiam; vt esse monachos nolumus, quorum in eâ tam sine numero numerus est sobriè, iuste, piè viventium? Quodd adorare Papam se dicunt Catholici, quid mali dicunt; imò quid noui; si mentem audies sic honorantium, & honoris modum? Adorare se dicunt; hoc est, venerari. Quid minus Scriptura dicit, etiam antiqui temporis, cum Abrahamum, mox & Loth narrat Angelos adorauisse pronos in terram? Istiusmodi minutia sunt, aut nugæ potiùs, quas exquirere Ministri, & maledicendi studio denarrare solent, petitas à moribus iam defuncti sæculi: quod scilicet implerent sagemam suam (an saginam?) & regnum statuerent. Iam mundus esse pro grue desijt: satis est explicuisse se Ecclesiam, & facti sui rationem dedisse nostrum deinceps acquiescere. Turpe lanè & iniquum est, audere filios pro suo cerebro corrigere Matrem, & velle, vt mutet suas hæctenus agendi loquēdi formulas, quas didicit Abrahamo agente, Scripturâ loquente; imò neque Matre dignum, vt in eiusmodi ipsa vel audiat filios. Nihil æquior censura, quæ vexat Imagines. Neque enim contra Decalogum earum vltus est. Præcipit quidem: *non facies sculptile*: sed addit, explicans: *vt adores illud*. Profectò bene brutos æstimant Ministri nostri Catholicos, qui credunt eos, aut credi volunt, papyrum, lignum, lapidem adorare pro Deo, aut cultu prosequi debito soli Deo. Imò potiùs, Religionistas ipsos pro magis brutis haberi puto à suis Ministris; vt quibus illi ita egregiè norunt illudere, persuaderi sinentibus, Catholicos tam esse vitulos, vt sic credant. Ipse Salomon Angelos sculpi iussit, & in templo Dei poni; iuxta Arcam: non tamen, vt Deum, adorandos. Quis non videt, Catholicos (nullo quidem Imaginum, vt tales sunt, contemptu vel probro) suâ quandoque manu diffringere eas, cum opportunum est; & iterum, cum opportunum est, venerari? documento vtique satis manifesto, non haberi ab illis pro Dijs.

De Reliquiarum sanctorumquæ cultu idem negotium. Honor duntaxat est & veneratio quædam, sicut Imaginum. Honorari Reliquias, antiquum. Documenta non profero: rogandi docti; dabunt satis. Orantium inclinatio coram Imagine, Christi, puta, vel alicuius sanctorum, testimonium quoddam est coram eo, quod illos nobis repræsentat, religiosi officij; dum interim cor & animus ad Christum ascendunt, aut quempiam seruorum eius fidelium, hoc est, amicorum, tamquam istic in imagine sui præsentem; pro impetrandis huius gratiâ, illorum suffragio. Ad Principis statuam, ad nomen regis genu curuamus, nudamus caput, osculamur epistolas: celsæ ad Deum? Non, quodd impendamus cultum in terris Deo debitum; sed quoniam monumentum est, quo monemur; occasio, quæ excitamur, ob similitudi-

nein aut inentionem, vt signo aliquo testemur ardens in nobis animi studi-
dium ad obsequendum illi semper quocumque modo, & profitendū supre-
mum dominum, quo nos habet & possidet Dominus Deus noster, & *Rex
magnus super omnes Deos*; fiducia spei nostræ, protector noster, & adiutor in
necessitatibus in tempore opportuno. Tolle Imagines tot pascim obuias
in vijs & compitis, quantum sustuleris piorum animi in Deum motuum,
suspriorum, excursuum; quò illæ excitant sui conspectu? Tituli sunt, erecti
causâ memoriæ; ad hoc ipsum ab Ecclesiâ saluberrimè instituti, vt omni lo-
co, omni momento oculis nostris occurrentes, memores reddant (vt v. g.
Imago Saluatoris crucifixi) acerbissimæ passionis; vbi tum ilico tanti a-
moris monimento concussa non impij vel ingrati hominis mens æstuet; &
exclamet: ô mi Iesu, qui in cœlis habitas: ego Peccator quotidie, & opera-
rius nequam coram te: per illum ego te pretiosum sanguinem, quem à tan-
tâ caritate in ligno Crucis effudisti propter me; dele iniquitatem meam, &
miserere me. In impositas igitur vijs aliisue locis cruces quid stomachari?
Redemptionis nostræ symbola sunt, & insignia. Tot illo periculorum in
omnem horam, quibus vndique vallamur, incursum, crucem ostendi, quid
aliud, quàm moneri, quoties videbimus, vbi positam habeamus spem; at-
tollendos in cœlum oculos, inde petendum subsidium, & expectandum?
Non igitur sunt Imagines, nisi honorabiles quædam & in vtilitatem no-
stram institutæ memoriæ.

Exprimere manibus signum Crucis, eoquæ frontem, pectus, omne cor-
pus munire, tam est nouum, quàm ipsa Ecclesia, Nondum illa cunis excef-
ferat; ita factum, constat. Non video, quo suo merito abroganda salubris
cerimonia, tantæ ætatis.

Historiæ multæ, quæ leguntur apud Catholicos, & reuelationum libri
non tantum habent continuò fidei debitum, vt non cuique liber maneat &
ab Ecclesiâ censura securus disensus, assensus.

Superstitiosa quædam in v su vulgi, & modos quosdam loquendi parum
proprijs non probat Ecclesia, sed acusat; aut, si quo sano sensu accipi pos-
sunt, in eum explicat. Itaque, si quid istiusmodi in alicuius Rhinocerotis
nasum forsan impingat, nullo certè ob hoc bono iure traduci possit Ec-
clesiæ; non magis, quàm magister aliquis aut herus, ob discipuli sui vel fa-
muli, imperiti fortè, stupidi, aut etiam maligni factum imprudens, quod
vel improbat ille, vel, satisfactione datâ, excusat.

Inuocantur quoque Sancti; non, quòd Ecclesia necessarium dicat pro-
curandæ salutis; aut præter Christum, qui vnus Mediator est & Aduocatus
pro nobis apud Patrem, alios statuât. Non illa mens eius vel intentio. Sed
quòd verecundiores & à maiori submissione ascendant preces nostræ, testes
adhibemus debiti nostri & quali vades aliquos; cum impudens planè sit &
indig-

indignum, ita temere ac sine fronte procurrere velle ad iritatum Iudicem; ut cuius tot tantisque quotidie peccatis nostris sanguinem, quid nisi proijcimus & conculcamus? si apud Indos Mexicanique cognoscere poterant, quantus esset Christianorum Deus, ex eo, quod ad eum Cortesium Proregem suum ventrari viderent & inclinare se ad obuios quosque religiosos & sacerdotes, qui non nisi serui essent ipsius Dei; quis nostrum (obsecro) qui minus utique bruti sumus, aut esse volumus, quam siluaticum istud genus hominum, non ilico iudicare poterit, honorem, quem deferri notamus sanctis tamquam Dei amicis, redundare in ipsum; cum non adeamus nisi ob maiorem Numinis reuerentiam, & per eos ad ipsum aditum impudentem minus, minus trepidum? itaque sanctos in cœlis positos orat Ecclesia, non, quia necessarium sit; sed, quia congruum & magis vtile. *Vnus mediator Dei & hominum Iesus Christus, interpellans apud Patrem pro nobis;* illos rogamus, ut pro nobis apud Filium sint, ipsum Mediatorem. Non alia causâ, modo, vel sine hac tota res agitur. Omnes Ecclesiasticæ solennes preces, cuiuscumque demum sanctorum imploremus suffragium, hac clausulâ terminantur: Per Christum Dominum nostrum. Ut, exempli causâ, in hac: Deus, qui animæ famuli sui N. æternæ beatitudinis præmia contulisti; concede propitius, ut, qui peccatorum nostrorum pondere premimur, eius precibus subleuemur: vel: ut quod nostris precibus non valemus, eius patrocinio assequamur: Per Christum Dominum nostrum. Quid hic, quæso, vel Momus inueniat, quod iure carpat? Nec enim aduersarium Christo puta, eiusque meritis, quando non nisi per ipsum petimus & obtinemus, quidquid amicorum eius cum ipso regnantium subsidiariâ interpellatione petimus & obtinemus. Si, quisquis rogatur à nobis, ut oret pro nobis, ilico nobis cum iniuriâ Mediatoris Christi mediator est; quomodo quotidie vel quâ fronte facimus hoc inuicem apud superstites Calvinistæ; aut fecit Paulus, cuius quotquot Epistolæ sunt, eius, quod dicimus, testes sunt? Viuentium apud Deum valeant intercessionibus mutua; neque Christo iniuriæ sint: eorum, quos adhuc peccatorum quotidianæ deformant rugæ & maculæ; qui etiam, cum stant, videre monentur, ne cadant; qui sic Deo amici sunt, ut ilico fieri possint (utinam sæpius & non fiant!) inimici: & eorum non valeant, quorum iam animæ totæ pulchræ sunt, & æternum sponsæ sine maculâ? quorum in portu meritum, in certo caritas, in tuto salus, sub pedibus cœlû, in manu præmium, in oculis Deus? Neque cogimur tamen, ut inuocemus: modo, ne fiat contemptu. Ipsa quoque Mater Ecclesia totis septimana (quam vocant) sanctæ diebus tristibus nullum Sanctorum solenniter inuocat. Ecce, quam ad eum Ministri nostri declamant, idololatricam! Si, quod inter viuentis rite fieri neque nostri negant, & loquuntur Scripturæ, posse negas ad alios; conuincant eadem ipsæ Scripturæ. Apud Ieremiam Prophetam non

parum manifestè Deus insinuat, Moysen & Samuelem, iam olim è viuis sublatos, orare solitos pro populo Iudeorum. Alibi & ipse quoque Ieremi-
as narratur à fide dignissimo viuis, *orare multū pro populo isto, & ciuitate san-
ctā Ierusalem.* Raphaelem archangelum historia Tobie ita de seipso loque-
tem inducit ad ipsum Tobiam: *quando erabas cum lacrymis, & sepeliebas mor-
tuos, &c. ego obtuli orationem tuam Domino.* Itaque non nos nesciunt aut neg-
ligunt, qui in cœlis sunt, qui sublimes habitant domos, & cum Raphael
stant ante Dominum: inde nos audiunt; inde respiciunt; inde curant. De-
nique omnis hoc Apocalypsis loquitur; cœlestes illos spiritus & beatorum
animas notitiam habere, curaque tangi eorum, qui in terris sunt. Non sibi
displicere verecundum hoc inuocationis à nobis officium, satis testatum
facit, qui operatur mirabilia magna solus, quando eam signis prosequitur,
& miraculorum ob intercessionem inuocati sancti patratiōe consignat.
Quid adhuc dubitamus, sine causa penduli; quid hæremus? Certus hic mihi
character, & Ecclesiæ veræ nota nusquam numquam fallax, miracula tot
ab initio apud eam hæctenus, tanta miracula. *Qui credunt in me,* (upud Ioan-
nem Christus ait) *opera quæ ego facio, & ipsi facient, & maiora horum (his) fa-
cient.* Quid hic iam, magni scilicet thaumaturgi, Ministrelli nostri (quorum
Magistri ingens aliquando miraculum, ex viuente mortuus)? Signa (inqui-
unt) quæ sequi debebant Euangelium prædicantes, vt sunt, Dæmoniorum
expulsa, infirmorum sanatio, illuminatio cæcorum, ceteraque talia, nullo
fine alio sequebantur, quàm ad demonstrandum vnici saluatoris Christi
aduentum, & extirpandum inveteratam gentium idololatriam. Iam, pro-
mulgato satis in omnem terram Euangelio, nec opus illis, nec locus est. Sic
illi inquirunt: sed magnus Augustinus non item sic; qui in libris, quos inscrip-
sit de ciuitate Dei, quæ non signa commemorat diuinæque miracula illius
ipsius sui temporis in Africa patrata, in Italia, alibi, ad Stephani reliqui-
as, ad aliorum; iannunciato tamen vbique etiam tum aduentu Christi & cre-
dito, superstitione conuicta. Neque cessant adhuc, Dei munere, apud Ca-
tholicos. Obijcientibus, fieri auctore Diabolo ad confirmationem erroris,
iam olim ore suo Christus respondit, simili quoque impetitus blasphemâ
calumniâ, cum audiret: *in nomine Beelzebub demonia eijcit:* *Omne regnum (in-
quiens) in se diuisum de solabitur.* Cum miracula promiserit Deus in argu-
mentum manifestamque & sine fallaciâ designationem suæ, hoc est, veræ
Ecclesiæ; eaque quotidie nostris oculis præstari videamus in Romanâ,
non item in aliâ; quis non intelligat, si quid intelligat, hanc esse veram, nec
esse aliam præter ipsam? Si autem aliquando contingat, non exigi statim
Diabolum exorcismis aut imperio sacerdotis, quæso, ne ilico calcem im-
pingamus Ecclesiæ vel ipsius ministro, hunc indignum clamantes, illam
adulteram. Ipse Apostolorum primas Petrus, *vbi fortè Dæmonium non*
potuisse

potuisset eicere, ad Magistrum recurrebat tamquam reum promissi non præstiti. Sed quid audijte? *Hoc genus Daemoniorum non eicitur nisi in oratione & ieiunio.* Ita res habet: semper penes Ecclesiam stat victoria; ocyus ea tardiusue veniat, hac viâ vel istâ; donec innotescat scilicet, è qua pharetra sagittas promat inimicus, quibus pugnat. Tandem excutit eum siue execrationibus, siue alterius modi armis, pro conditione subiecti magis accommodis, ut sunt orationes, ieiunia; quando iam inde (è diutina possessione per Diabolum energumeni, dilataque expulsa) fructum extuderit Deus, quem voluit; ut putâ, maiorem aliquam veritatis manifestationem, aut etiam potentiam, quâ donauit Ecclesiam (permittendo nimirum aliquantisper inimico liberio rem vsu suarum virium & peruicaciam, ad vltimum tamen cessuro ad violentum illius & super humanum efficax imperium. Nam quò fortior aduersarius ac durior, eò validior sit oportet, qui expugnat); aliudue simile ad instructionem nostram: vel etiam, quia expectat Deus, donec completa sit malitia eius, qui tenetur, aut videtur teneri, si (quod subinde contingit) ex composito geratur res & pacto cum ipso Dæmone; vel quia sic congruat ad occupati correctionem, probationem, meritum; vel denique, ut occasio fiat abusibus quibusdam cognoscendis & emendandis, in quos abeunt quandoque imperitiores minusue probi ministri in exorcizandi modo contra sensum Ecclesiæ ac voluntatem, curiositatis alteriusue rei vitio. Cantantibus interim pro more suo Diabolo & illius familiâ, & ante victoriâ triumphantibus; sed Deo tandem (ut ut fiat) ipsiusque Sponsæ vincentibus & hostem detriumphantibus. Illius enim verè demum victoria est, qui vltimus consistit in acie, & vacuâ solus dominatur arenâ. Eò gloriofior Ecclesia, quò plures habuit conflictus, quò grauioribus, quò ab hoste potentioribus, quò longioribus. Quibus dum eam omnibus superlitem videmus, & illustrem tot hæcenus tantisque feliciter confectis certaminibus, quin illico currimus ad illius potiùs, quam alterius vltius, signa victicia, ei que nomen damus, & obstringimur sacramento quam vnâ ipsi nostris oculis probatam videmus, ut aurum igne, ferro, lapide; nullo iam nobis metu reliquo, ne fallamur, ut hæcenus, illâ mendacis specie & inani larvâ veritatis.

Quod nobis probro vertunt cultum Virginis, tamquam idololatram in eam timus; viderit, respondeatque archangelus Gabriel, qui ita primus Mariam allocutus est: Aue, gratia plena; Dominus tecum; benedicta tu in mulieribus. Quid enim aliud loquimur (inquiunt Romani) ad Matrem Domini? nisi, quod idem sæpius subinde, ad certosque, non sine mysterii notatione, numeros; aut explicatius etiam, & fusiori sermone: exundantibus utique non immerito in tantæ feminæ laudes animis, ei que congratulantibus de tantæ per Deum castitate, sanctimonia, gloria, de tam beata fecunditate

conditate, quā ex omni hominum numero hanc vnam dignari Maieſtas voluit, vt Hominem. Deum perditæ tot iam ſæcula genti Virgo-Mater profferret. Congratulantibus (inquam) in eaſque benediſſimum illum ſanctiſſimi ventris fructum honorantibus, ac ſimul rogantibus, vt ſuā nobis illum interceſſione potentiſſimā reddat propitium. potentiſſimā verò: quid enim non poſſit apud Patrem Deum Mater filij Dei, & ſponſa vnica; in cuius vtero, è cuius ſanguine, opifice S. Spiritu, fabricatum corpus, vnde noſtræ deinde redemptionis pretium effunderetur? Tæhîc iam appello, vir Illuſtriſſis; ad te prouoco; impingere poſſunt, qui in hoc ambulant iſto duce? errare, qui tantum facti ſui magiſtrum referunt, ſequuntur auctorem? an accuſari meritò, quali de ſuo agant, cūm ſic agunt; cūm Trinitatis ſolenni Nuncio præcinenti dulce laudis canticum læti ſuccinunt: in officiòſi vtiq; futuri, imò ingrati, niſi beneficiū prædicando agnoſcant, quod acceperunt? ô, ſanè pij feliceſque Idololatræ, qui, Angelo docente, tales ſunt!

Porro in Eccleſiaſtica ſacrâ Concilia quoties ab illis, & quo dente ſæuiſſimum eſt? Atque idèd meritò tandem & in hac ipſa quoque Batauiâ ad Synodum aliquam tamquam ad Sacram Anchoram, & vnicum extremumq; mali, quod nunc in eorum viſcera graſſatur, remedium prouocatum videmus & decurſum. quod quidem quàm bellè cum eo congruit, quod adèd hæcenus inculcarunt ſemper & ingeminarunt pro concione; quidquid ad ſalutem facit, abundè, & pluſquam ſatis, clariſſimiſque ſententijs Scripturam loqui, adèd vt nihil iſtic intellectu difficile, nihil quod non ſeminæ, ruſtico, puero promptum capere, penetrare, exponere. Sed quo fructu? Parturiunt montes: naſcetur ridiculus muſ. verè ridiculus. Hic ego demum aperire oculos & videre cœpi, & habere perſuaſum, fore, vt in cæteris quoque fidei noſtrę litigatiſ articulis, ſi inſtructionem admitterem, haud dubiè deprehenderem (deprehendi etiam, Dei munere) non niſi præiudicijs, præoccupatiſ animiſ, affectibus ex propoſito auerſiſ aduerſiſ, hoſtilibus tumultuoſiſ malediciſ & ſine cauſâ ſine mente clamoribus à noſtriſ in Eccleſiam, è quâ lacerato matris vtero, viperarum more, prodierāt, fuiſſe pugnatum. ab illâ verò è contrâ cauſâ optimâ, armiſ valentibuſ, ſolidiſque pro veritate ratiocinijs amicè, leniter, piè, nec niſi ſtudio ſalutiſ oppugnantium repugnatum. Hæc in ſummâ Miniſtrorum noſtrorum ſcientia maxima eſt (ſi non ſola) negare ſortiter, dum conuincuntur. Ita nimirum breuiuſ acta reſ & minori dedecore, quàm ſi ceſſerint veritati, eaſque ſe victoſ (vt ſunt) fateantur. Igitur eorūm voces ſunt, quando ſtringuntur: apocryphuſ eſt iſte liber; falſa hiſtoria; nœuſ hic erat Eccleſiæ iam tum (ante quindecim ſæculis) nigreſcentiſ. Effugium quæritur, in aliud ſermone diſtracto; ſophiſma ingeritur: argutiæ, cauilli, nugæ quærantur. Non ſic magiſtro-
rum

rum ille Magister noster, non sic: quidquid interrogatus esset; brevis, solida, nuda, nec affectati acuminis veniebat responsio; facti sui modum discipulis assignantis in documentum: *Exemplum* (inquit ad ipsos) *dedi vobis, ut quemadmodum ego feci vobis, ita & vos faciatis.*

Melius alij rationem tibi reddent horum omnium, Illustris: vir, tractantes omnia singulatim & demonstrantes auctoritate Scripturarum, restituentis Antiquorum, naturalis quoque rationis assensu.

De Purgatorio Catholicorum sententia tam est vetus, ut etiam Iudæi Metenles affirmaverint aliquando mihi, non aliter etiam sensisse maiores suos: unde sollemnis etiam nunc inter eos ritus est, non admitti in synagogam defuncti cuiusvis liberos toto septiduo; sed ad ingressum subsistere hærentes vestibulo, donec interim tertio quodam in loco excorporatus recens spiritus prius fecerit satis, quam in Abraham lætum in limbo sinum recipiatur.

Orare pro mortuis Augustinò nota res non ut recens: probant Concilia: etiam Synagoga in usu fuit ante Christum: Iudas Machabæus tam certæ pietatis vir sacrificium offerri pro his, qui ceciderant & orari iussit, ut à peccatis soluerentur.

Synodum suam Gommaristæ (an Gomorrhistæ?) adeò sacrosanctam habent: & haberi volunt, coactam illam, verè coactam, hoc est, violentam, & sub præside gladio: ubi nullum auditum suffragium, quod non vxor probasset, & è lecto veniret ad pulpitem. Et stulti tamen Catholici, si ad Conciliorum suorum vocem, Pastoris vocem in pastoribus aures attriunt, animos submitunt, quæ trecentorum, in ò sexcentorum subinde Episcoporum, aliorumque præterea sacerdotum (qui sunt sicut filij excusorum, liberi à curis, re, spe mundi huius, & expediti) concursu legitime celebrantur.

Ab vno disce omnia: vel vnus demonstratio ad ferendum in cætera iudicium satis sit. Meum non est, qui sum miles, referre singula, & astruere: Cappucini facient, si voles, docti ut sancti; & illa quoque Barclajj Parænesis elegantissima: documenta proferent è Scriptura, è libris veterum; quibus nihil resistere possit, nisi dura ceruix & philautiæ filia proterua contumacia, prompta magis ad manifestam lucem oculos claudere, quam vel latum vnguem cedere de summo semel temereque præsummate. Tot nunc opiniones undique in lucem prodeunt, & mundum susdeque voluunt, infertæ tricis & ridendis merè argutis, in speciem tantum vel potius umbram veri, ut occasionem sibi faciant Ministrelli multiplicandi verba, non, quod res est, loquendi: Inter quæ sanè quantum distet, etiam videant, qui nihil vident. Non hic opus est iudice, nisi ipso. Naturæ sincero lumine. Indignum est sanè utroque nostrum, nec minus indecorum

(vt postmodum animaduerti) qui hominum opinione prudentes sumus, & animo manuque viri, adeò fidem alligare velle ac dare mancipem fluctuantibus istis & imbecillis ingenijs rabularum digladiantium ob minutias; ne dicam, studium omne, nomen, vitam, animam denique ipsam impendere id genus hominum nugarumque professioni & patrocinio. Plus annorum nobis est, quàm vt ita deinceps insaniamus. Non audiendi statim quicumque caufidici, diferti quamlibet & expediti in omnem partem de quauis causâ, etiam pessimâ, dicere scribere vèro-similiter. Verba dant, qui verba faciunt; non credendum temerè locutuleijs. Nullus error tam alienus à vero, tam ineptus, qui non assertotes inueniat & patronos, qui Protei more, quacumque strinxeris, illabi elabi nòrunt, instructi semper ad dicendum aliquid, quamquam in speciem tantùm sit, & (quod aiunt) Deus in caelo, baculus in angulo. Ministris quidem nostris satis est, vt ne coram nobis obmutescere videantur, & nihil habere, quod reponant. Sed interim nos penes esto iudicium in ea, quæ dicunt; an ex vero, solidisque ratiocinijs, an futilibus tantùm & ad fugam aptis ijs, qui tenentur.

Ecce, quod inter cætera impulit me, vt in Religione mutarem sententiam; vt iam dicam, eam, quæ Romana vocatur, esse præ omnibus probabilissimam, securissimam, & manifesto Numinis fauore, curâ, ope illustrissimam; quippe solam tot iam inde ab infantia sua sæculis in hunc vsque diem toties & tantâ hostium mole impugnata, nec expugnata, sed integram semper, fortem, & floridam, suisque ipsam vulneribus virescentem. Hæc illa Petri Nauicula iactata fluctibus, agitata furijs irati maris, & sæuentium vndique procellarum insultu, surgentium vsque ab inferorum Portis ventorum quasi ludibrium; en tibi, quàm consistit, quàm in tuto nauigat, & conscia vectoris sui, certa que subsidij ridet etiam tam in exitum sui, si quâ perire posset, destinatas machinas! Ipsa nunc res palàm loquitur, habere protectorem Deum. Castigatur subinde, quia diligitur: sed ipsa demum virga, correcto iam populo & ad pœnitendum accincto, quid nisi ignem expectet, cui sit pabulum? Respice in Arrianos; quorum, si tres aliquot quatuorue Episcopi fuissent, omnia fuissent; vbi nunc aliqua tante grassationis vel particula? Et tamen in summum euaserat mundi solium; Imperium tenebat potentissima Hæresis. Vbi tot aliæ sine numero gliscetium olim sectarum classes? Quasi non fuerint. Vbi tandem & ille Lutheranismi vigor ac flos numquid evanuit vt plurimū, & in Calvinismum abiit, seu verius degenerauit, velut in elephantum morbum pestis Veneris; vt & ipse tandem (qui proximus ordo corruptionis est) in Turcismum, in Atheismū Calvinismus & ipso deniq; nunc Lutheranismus Deus vt instrumento quàm mirabiliter tam euidenter ad euerfionem vsus est Calvinismi. Et ille quoque quid nunc agit tam antè paulò ferociens, & erectis in
su b/imo

sublime cristis etiam cœlo terribilis: Cadere cœpit; hoc est: cadet. Iam per omnia videre licet, factum Deum Romano-Catholicum: Nobis interim sensim evanescentibus, & paulò post cum Arrianis in nocte, è quâ prodiuimus, & inter scruta futuris, *Oporset hæreses esse, teste Buccinâ veritatis: sed ut probentur electi; & vincat veritas, cum iudicatur.* Quippe ut album nigro compositum apparet illustrius; etiam veritas falsitati. Hæ Deo causâ sinendi hæreses; tum præterea, ut eis utatur flagello, flabello, ad aream suam ventilandum; ad excitandum, quos posuit regere Ecclesiam suam, Episcopos, pastores; sacerdotes, monachos, populum longæ pacis silentio sopitos aut stupefactos; vel otii copięque abusu prolapsos in vitia castigandum. Quo demum præstito, transithyems, abit imber & recedit: iterum, tranquillitas, iterum pax, iterum serenitas. Satis illi, agnoscere Nauarchos Ecclesiæ peccata negligentię suæ, & odisse, velle sapere, velle vigilare. Iucundum habet, glorificari in illo splendore, quem tandem ac veluti postliminiò reddit Ecclesiæ. eum utique ad modum, quo fieri videmus, ut post tristem atris nubibus sordidamque cœli faciem, post fragorem tonitruum, stricturas fulminum ilico sole reddito, lætior, quàm vmquam amœniorque serenitas consequatur.

His ego conuictus argumentis tam in se liquidis & irrefragabilibus non potui non satagere me ipsius, & manum veritati dare trahenti; cum etiam his meis oculis ipse miracula viderim & signa, quę consignarent mihi ac designarent veram Ecclesiam: aut mendax sim, si negauero; aut cæcus. Quæ cum, dicente Domino, non possint esse à regno tenebrarum; quid relinquitur, nisi ut accipiamus tamquam desuper missa, descendentiâ à Patre lumen? atq; adeò, ut sequar vocantem gratiam, & semitam ingrediar veritatis? Itaque conquirere cœpi, qui docerent viam hanc, homines doctos pios, quoscumque potui, conscios meæ linguæ. Docuerunt me, in eamque velut manu duxerunt; & inungentes collyrio oculos, fecerunt, ut iam viderem, vbi tenebræ, vbi lux.

Hic iam ego subsistens, vir Illustris; & (quod aiunt) manum de tabulâ, quid nisi te obsecram per quidquid sacrum est, & contester, ut (quæ ingens tua prudentia) cedas temporis; quando simul & veritati. ut opportunè tandem aliquando demonstrares, desijisse te mirari sectam hanc & amare. non virgeo, ut abruptim: passu potes; modò, ne nimis tardo: priusquam odia Regum in te, iustæque non minùs iræ, quàm potentes, occupent te & prosteruant: à quorum vnguibus quâ te viâ tuâque eripias aliquando & in saluum efferas, nisi hac vnâ, planè non video. Illam quoque cogita ætatem tuam finis proximam; & ora benignum Deum, ne te tolli sinat tam sine lumine; ut oculos aperiat, & videre te faciat, vbi stes. huc si promoueris & spem ad-moueris, nihil dubita; illuminaberis. Ipsius enim vocem audis, cum audis:

nolo mortem peccatoris, sed ut magis conuerteretur & uiuat. Et sanè quem dabis mortaliū, qui in incerto viarum suarum positus nō illum ducē habuerit, si petierit? Omnia in hoc vno stare puta, ut adeamus eum, & rogemus auxilium; lumen (inquam) quo iam apti simus à vero falsum discernere. Non accipiemus ab illo, nisi petierimus. Ac, nisi illo dante acceperimus, quod accipimus, quid accipimus? Non in nobis fides nascitur, aut nobiscum; non nostris eam viribus parare nobis, non ingenio possumus vel industriā. Quidquid ex nobis nascitur, potius occidit nos, perdit, destruit; ut filij viperarum matrem. Dei donum fides est purum putum: quod cū nullo è nobis merito possumus tangere, non est, quod donatum iri speremus, si neque quærimus. Qui verò quærimus, quod inuenire nolumus; à quo fugimus, longius, quàm à terra cælum abest in hac illud quærenti? Tu quærens Dei donum hoc totum in se cœleste, in te ipso per contumaciā, tam imparis materiæ & incapacis vasculum, quippè puluis vndique & vndique cinis; quid istiusmodi (inquam) tu & ego possumus hic, quid effecerimus nisi terrenū? ut potè, cū nimis imbecillus faber sit & imperitus tua mens & cuiuscumque ex humo hominis ad patratiōem tanti operis, quodque manum nesciat nisi artificis, cuius sine fine sapientia, sine mensurā potentia; quod nemini datur nisi supplicanti, & cum Prodigio filio reuertenti foris à porcorum siliquis ad sinum Patris, quem reliquerat aliquando miserè stultus, alibi quærens verum bonum, certas delicias, quàm in domo natiuitatis suæ, in Ecclesiā, quæ nos genuit, petrā, de qua excisi, maceriā, vnde sumi sumus, Calvinus, ego, tu. Scio, quas ille mecum misericordias operatus sit, multas nimis, magnas nimis; & cum alijs præterea plurimis: non est abbreviata manus eius, ut etiam ad te extendat se. Omne tibi rei momentum positum in hoc consilio. Quid hæreas, vbi occurrendum quantocyus vententi ruinæ super te? De salutē agitur, tuā, corporis, honoris, familiæ hęc, & in æternum animæ. Subditorum quoque tuorum sanguinem, qui in manu tua, caue ne errorum cultro hauriri sinas; habent, qui repetat.

Hoc me vltimū beneficio, qui planè tuus sum, fac magis tuum, Illustris: Domine, ut legas hæc, & iterum legas; ab illo scripta & illo studio, qui non amat te nisi propter te, & (licet nunc quidem se & diuersus) tam tui bonique tui satagens, quàm vniquam sui. Vale, & vide;

Hagæ, an. 1621.

29. Iunij.

Illustrissimæ T. Amplitudini
deuotissimus amicus & seruus N.

